



Plata dla Ploania Rina



Ploan: siur Klaus Sottsas: 344 1554055

E-mail: klsottsas@rolmail.net

Mone: Carlo Ferdigg: 339 2612471

E-mail: plata.ploaniarina@gmail.com

www.unitepastorala.org

Ann B		23.03.2025 – 30.03.2025		n.17
De		Ora	Mëssa	
Terza domënia de Carsëma <i>De dla solidarieté</i> <i>Turibio Mongrovejo, Rebeca</i> <i>oferta por la patronat KVV</i>	23.03	8.15	s. Mëssa a LA PLI	
		8.15	Zelebrazion dla Parora de Dio cun funziun penitenziala <i>staziuns Consei de Cöra</i>	
		10.00	s. Mëssa a AL PLAN y ANTERMËIA	
LÖNESC <i>Elias, Oscar Romero, Caterina, Simon</i>	24.03	19.00	s. Mëssa a La Pli	
MERTESC GRAN FESTA DL'ANUNZIAZIUN DAL SIGNUR, Annunziata	25.03	07.30	s. Mëssa a Antermëia	
MERCUI <i>Luidger, Larissa (Lara), Tecla</i>	26.03		degöna Mëssa	
JÖBIA <i>Haimo, Frowin</i>	27.03		degöna Mëssa	
VËNDRES <i>Guntram, Wilhelm, Ioana</i>	28.03	7.30	s. Mëssa a Al Plan	
		17.00	staziuns	
SABEDA <i>Helmut, Wilhelm, Ludolf</i>	29.03	7.30	s. Mëssa a La Pli	
		18.00	s. Mëssa a Al Plan	

Notizies y info por la plata: plata.ploaniarina@gmail.com dé jö entro n jöbia da misdé

Cuarta domënia de Carsëma "Laetare" <i>De dal Seminar</i> <i>Diemut, Roswita</i> → oferta por le Kassian-Tschiederer-Werk	30.03	8.15	s. Mëssa a LA PLI
		8.15	Gran Mëssa por la comunité (<i>pater Franz</i>) aniv. † Pire Castlunger aniv. † Jaco Promberger † † Maria y Angelo Gasser † † Angelina y Jan Clara (Val) † Tilia Gasser † Hilda Huber <i>staziuns Seniores</i>
		10.00	s. Mëssa a AL PLAN y ANTERMËIA

<u>LETURS</u>	23.03	Jogn
	30.03	Seniores
<u>MINISTRONC:</u>		
domenia	23.03	LP
jöbia	27.03	
vendres	28.03	Staziuns : Elias, Julian
domenia	30.03	Matthias, Julia, Lukas, Anja
		Staziuns : Julia, Lukas, Anja

INFORMAZIUNS PLOANIA

Lites dla Uniun di Èi (Kmb):

Pro les lites él sté na bona partezipaziun. Chisc é i resultat di pröms cinch, che á ciafé le plü usc:

Felix Pallestrong, Paolo Frenes, Othmar Gasser, Marco Chizzali, Raimund Promberger y atri. Bel dilan a chi che á tut pert ales lites y sambën ince a chi che stá ite tl consëi nü!

Comunicaziun dl Cor de Dlijia da Rina:

al ven organisé n iade a Assisi dai 31.05.2025 ai 02.06.2025 cun l acompagnadù y espert dl post Ferdigg Christian. Al é ciamó n valgügn posc por podei se prenotè. Por informaziuns telefonede preibel al plü tert cina ai 31. de merz a Hubert - Handy-Nr. 339/3680372

Via Crucis sö Oies! La sabeda ai 05 de auri, se metará indô i ministranc y les schires joniles dla Val Badia sön tru por dí les staziuns. An piará ia düc adöm da San Linert dan calonia dales 14:45 y jará deboriada en prozesciun cina sö Oies. Tl'caje de bor tēmp s'incuntarán diretamēter sö Oies dales 15:15! Dedô gnarál tigní la Santa Mëssa cun n pice renfrēs ch y aorela cōrta ala fin. Düc é dēr bel invia da tó pert!

Vëndres, 28.03.25 “24-Stunden-Gebet” a Oies. Vigni ploania organisëia 2 ores de oraziun/adoraziun,

00:00 – 02:00 - La Ila	12:00 – 14:00 - Antermëia
02:00 – 04:00 - Badia	14:00 – 16:00 - Lungiarü
04:00 – 06:00 - San Ciascian	16:00 – 18:00 - Al Plan
06:00 – 08:00 - La Val	18:00 – 20:00 - San Martin
08:00 – 10:00 - La Pli	20:00 – 22:00 - Calfosch
10:00 – 12:00 - Rina	22:00 – 24:00 - Corvara

La **“Pilgergemeinschaft” de Südtirol** organisëia la sabeda, ai 26.04.25 na **“Sternwallfahrt”** da deplü posc de Südtirol fina a Balsan, olache al sará dales 16:00 na mëssa cun le Vësko. Por la Val Badia vëgnel fat insciö: an se incunta dales 7:30 a Longega por jí spo cun la coriera a La Pli, olache al sará na picera funziun te dlijia. An vá spo a pe fina San Laorënz passan por Sares. Da dailó inant ván cun la coriera y la ferata fina a Balsan, y do mëssa indô zoruch a Longega, olache al é i auti.

Por prenoté les corieres präibel se anunzié cina ai 6 d’aurí pro Gertrud Ellecosta tel 333 4352050

Ciasa de Palsa Ojöp Frëinademetz: da otober 2025 inant dál indô la poscibilité da fá la formaziun da operadú:ëssa sozio-sanitar:a (Pflegehelfer:in) te un n ann a Toblach y/o Porsenú.

La formaziun é finanziada dla Provinzia da Balsan y dla Ciasa de Palsa Ojöp Frëinademetz. Tratan la formaziun él preodü da ciafé n contrat de laur pro la Ciasa de Palsa da S. Martin olache la formaziun pó gní fata tratan l’orar de laur y an á insciö tres fora na retribuiziun.

Por plü informaziuns y por l’iscriziun, cherda sö le nr. 0474-524786 o scrí a jobs@ciasadepalsa.it anter i 11.04.2025.

La uniun de S.Vinzenz en colaboraziun con le consëi de formaziun mët a jí a Al Plan tal salf dla Cassa Raiffeisen en vëndres ai 11.04.25 domisdé dales 14:00 ales 18:00 en Curs de Ultimo Aiüt.

Deboriada imparun da ti fa le guern, da ti dé coraje, da ti sté dlungia, da capí y da ti dé la man tla dërta manira a porsones co é tl morí.

Le curs vëgn tigní dales infermieres dl Distret Sanitar y é por ladin. Le curs é debann. Preibel se anunzié damperfora anter i 09.04.25 pro Zingerle Angela al numer 3382430045.

Le Consëi de Formaziun d’ Al Plan mët a jí le curs „Chirí y ciafé i antenac te internet“. Tratan le curs, co vëgn tigní da Jep Agreiter, ciafun informaziuns sora co fa da ciafé sö i antenac online, sön la basa dai libri de calogna de döt Südtirol, de Tirol y pert dl Trentin, co é gnüs digitalises tai ultimi agn. Le curs, co vëgn tigní ai 01.04.2025 dales 19:30h te scora mesana a Al Plan, é limité a 15 porsones. Informaziuns plü monüdes y se scrí ete pon pro Gustl Kaneider al numer de telefon 335 1050216 (da sëra).

Iade a Assisi

L'Unité Pastorale Val Badia inviëia chi che fej val' sorvise por le bëgn dla dlijia tles cöres dla Val Badia a n iade a Assisi cun Christian Ferdigg dai 27 cina ai 30 de otober 2025 (3 nöts). Al é ca 50 posc y le cost por persona tla ciadena dopla o tripla é de 320 Euro. Tl prisc a persona él le bus y les 3 nöts tl Hotel La Rocca cun gosté y cëna. Iscriziuns y informaziuns pro Holimites : tel 0471 838022 email: iadi@holimites.com

Le Museum Ladin Ciastel de Tor/Aziënda Museums Provinziai chir:

1 colaboradú/colaboradëssa por le sorvise da puzené, nivel III; 16 ores al'edema da mez aurí 2025 al 30.11.2025, 6 dis al'edema dal lönesc ala sabeda, Recuisic damaná: avëi stlüt jö la scora d'oblianza.

1 **colaboradú/colaboradëssa** pro la cassa y botëga; nivel IV, 19 ores al'edema, dal 01.05.2025 al 12.11.2025

Recuisic damaná: Diplom dla scora mesana y implü:

Formaziun de almanco 2 agn tl ciamp comercial o ti seturs dl comerz, contabilité, aministraziun o secretariat o

Formaziun de almanco 2 agn de scora alta cun atestat de ejam ECDL

Mené les domandes cun CV a info@museumladin.it o les dé jö personalmënter tl Museum Ladin, Str. Tor 65, 39030 San Martin de Tor. Por infos 0474 524020. Termo por les domandes 04.04.2025 cina les 12.

La Portina por l'assistënza y cura pita n domisdé de informaziun sura le Sorvise de assistënza a ciasa (Hauspflege). Al gnará mostré co fá le guern a ciasa a porsones che adora assistënza. Al vëgn mostré co fá la cura dl corp y co adoré i injins sciöche le lift da bagn che dëida alzé ite na persona tla vasca o le „Rutschbrett“ che alisirëia i spostamënc dl assistí p.ej. da n scagn al divan, co fá por evité plaies y d'atres complicaziuns. Al gnará ince dé consëis co stimulé la mobilisaziun fazon val spazirada o certi movimënc. En plü gnará mostré co se sconé le spiné da fá le guern. Sëis dër bel invia en vëndres 28 de merz dales 13.30 tl Salf dla Raiffeisen a Al Plan de Mareo a tó pert.

Le **Raiun Sozial Val Badia** chir da atira na assistënza sozuala o na pedagoga sozuala (cualifica 7. Ter) cun la formaziun stlütä jö y le atestat de bi-o trilinguism B2, a mez tëmp o ince a tëmp plëgn. Por informaziuns plü avisa, contatéde Antonia Castlunger al 0474 524552

Comune: dal punt de racoüda dai stödafüsc éle gnü mutü na baraca por la racoüda dl ciomont ulache an po mëter ite ma sac dal ciomont da 60 y 40 litri con la eticheta dl comun.